

الظلم والقسوه

الظلم والقسوه والظروف الصعبه اللي بتواجهنا من يوم ما
إتوالدنا.

اللي بسببها انتهت العشره وأصبحنا ف عزله ودموع ع
الخدود سايله وشئ بيتعبنا.

إتفرقنا وإحنا أحبه وخالفنا وعودنا وإنتهت بإنفصالنا وجراح
دايما بتطاردنا.

بعد ما خلاص فرحنا والبسمه ماليا وشوشنا لكن فجأه انتهت
بدموعنا.

بالنسبانا كانت صدمه وكارثه وحقيقه بتشغل تفكرنا وأصبح
وهم وإنتهى من حياتنا.

لكن نسينا ان كل شئ مكتوب ف صحيفه أعمالنا ولا بد ف
يوم يواجهنا.

وكل واحد إختار سكه وأصبحت بالنسبانا مجرد زكري
وقصه مرت خلال مشوارنا.

وبرضوا مافيش فايده ولا حد بيعذرنا ولا بيقدر حتى ظروفنا
وأصبحنا ف ورطه ومحدث راضي يسمعا.

وكل يوم نفس القضية تبتي ببسمه وتنتهي بفشاننا
وظروف بتطاردنا.

عشان كده لازم نهدي ونفكر بالعقل والحكمه قبل مانتسرع
ونقع وننسى ظروفنا.

وتبقى معادله صعبه ونخسر كل شئ بسبب إستهترتنا وسؤ
تصرفنا. يبقى نعالج مشاكلنا وندور بعدها ع الشئ اللي
يسعدنا ويريح قلوبنا وأعصابنا.

والنتيجه هاتكون ف صالحنا وهانرتاح ف حياتنا وتكون
السعاده من حظنا ونصبنا.

شاعر العصر صاحب كلمه لها مضمون ومعنى يفدنا وينفعنا
بقصيده جميله تنال إعجابنا وتحسن دايمنا من أخلاقنا وتذكرنا
بالي خلقنا وداوي همومنا وأوجعنا...